

S A M Þ Y K K T

um sýsluvegasjóð í Vestur-Ísafjarðarsýslu.

1. gr.

Í Vestur-Ísafjarðarsýslu skal vera sýsluvegasjóður. Skal úr þeim sjóði greiða kostnað við viðhald og lagningu sýsluvega skv. 2. gr. í samræmi við staðfesta sýsluvegaáætlun, sbr. þó 52. gr. vegalaga nr. 71/1963.

2. gr.

Í tölu sýsluvega má ekki taka vegi, sem styttri eru en 200 m, nema götur í þorpum með færri en 300 íbúa.

Sýsluvegur skal aldrei teljast ná nær býli en 200 m, ef hann endar þar.

Sýsluvegir eru þessir:

Auðkúluhreppur:

1. Mosdalsvegur, af Vestfjarðavegi í Dynjandisvogi að Hokinsdal.

Þingeyrarhreppur:

1. Hofsvegur, af Múlavegi að Hofi.
2. Kirkjubólsvegur, af Múlavegi að Kirkjubóli.
3. Bakkavegur, af Múlavegi um Bakka á Vestfjarðaveg hjá Brekku.
4. Sandavegur, af Svalvogavegi vestan Sandafells að Söndum.
5. Flugvallarvegur, frá Svalvogavegi að flugvelli á Sandasandi.
6. Sandafellsvegur, frá Vestfjarðavegi á Brekkuhálsi á Sandafell.
7. Hólavegur, af Svalvogavegi að Hólum.
8. Arnarnúpsvegur, af Svalvogavegi að Arnarnúpi.

Mýrahreppur:

1. Hjarðardalsvegur, af Vestfjarðavegi að Fremri-Hjarðardal.
2. Klukkulandsvegur, af Ingjaldssandsvegi að Klukkulandi.
3. Lækjarvegur, af Ingjaldssandsvegi að Læk.
4. Fellsvegur af Ingjaldssandsvegi að Felli.
5. Arnarnesvegur, af Ingjaldssandsvegi að Arnarnesi.
6. Brekkuvegur, af Ingjaldssandsvegi að Brekku.
7. Hraunsvegur, af Ingjaldssandsvegi að Hrauni.
8. Hálsvegur, af Ingjaldssandsvegi að Hálsi.
9. Ingjaldssandsvegur, fyrir Hrafnaskálanúp á Valþjófsdalsveg.

Mosvallahreppur:

1. Traðarvegur, af Vestfjarðavegi hjá brú á Bjarnardalsá að Tröð.
2. Hólsvegur, af Önuðarfjarðavegi að Hóli.
3. Vaðlavegur, af Valþjófsdalsvegi að Vöðlum.
4. Bryggjuvegur, af Valþjófsdalsvegi að hafskipabryggju.
5. Þórustaðavegur, af Valþjófsdalsvegi að Þórustöðum.
6. Hjarðardalsvegur, af Valþjófsdalsvegi að Hjarðardölum.
7. Tunguvegur, frá Valþjófsdalsvegi hjá Tungu að Dalssjó.

Flateyrarhreppur:

1. Eyrarhjallavegur, frá Flaeyri að Búðareyri.
2. Breiðadalsvegur, af Flateyrarvegi að Fremri-Breiðadal.

Suðureyrarhreppur:

1. Vatnadalsvegur, af Súgandafjarðarvegi að Vatnadal.
2. Selárdalsvegur, af Súgandafjarðarvegi hjá Botni, um Gilsbrekku að Selárdal.

3. gr.

Vegagerð ríkisins er veghaldari sýsluvega.

4. gr.

Hvert hreppsfélag greiðir árlega í sýsluvegasjóð sem samsvarar andvirði þriggja dagvinnustunda fyrir hvern íbúa, miðað við kaupgjald í almennri verkamannavinnu hjá Vegagerð ríkisins 1. desember hið næsta ár áður en gjaldið er lagt á. Ákveður sýslumaður gjald hvers hrepps og tilkynnir oddvita fyrir 1. marz. Skal það greitt í einu lagi úr sveitarsjóði eigi síðar en á næsta manntalsþingi.

5. gr.

Hreppsnefnd jafnar þeirri upphæð, sem hreppi ber að greiða í sýsluvegasjóð samkvæmt 21. gr., niður eftir sömu reglum og öðrum útgjöldum hreppsins.

6. gr.

Nú á einhver fasteign í hreppi eða kaптúni, aðra en jörð í fastri ábúð eða jarðarluta, en er þar þó ekki útsvarsskyldur eða greiðir þar ekki útsvar eftir sömu reglum og aðrir íbúar hreppsins, og skal hann þá greiða vegaskatt af eign sinni í sýsluvegasjóð. Skattur þessi greiðist á manntalsþingi.

Vegaskattur skal nema 6 af þúsundi af virðingarverði mannvirkja, en 12 af þúsundi af virðingarverði landa og lóða, hvort tveggja miðað við fasteignamat.

Gjald þetta hefur lögtaksrétt.

7. gr.

Undanskildar vegaskatti eru allar kirkjur, skólahús, sjúkrahús, þinghús, félagsheimili og vitar. Ráðherra er heimilt, eftir tillögum sýslunefndar, að ákveða, að eyjar, sem eru sjálfstæð hreppsfélög, greiði ekki framlag til sýsluvegasjóðs, enda annist hreppsfélagið sjálft um vegakerfi að öllu leyti.

8. gr.

Í kaптúnum, sem eru hreppsfélög út af fyrir sig, skal helmingur sýsluvegasjóðsgjalda renna í sveitarsjóð, ef hreppsfélagið ver til vega- eða gatnagerðar innan hrepps á því ári a. m. k. jafnmiklu fé úr sveitarsjóði.

9. gr.

Gera skal sýsluvegaáætlun til fjögurra ára í senn og miða hana við sama tímabil og vegaáætlun fyrir þjóðvegi. Vegamálastjóri semur frumdrög af slíkri áætlun í samráði við sýslunefnd og skal hún tekin fyrir og afgreidd á sýslufundi til samþykktar. Öðlast áætlun þessi gildi, er samgöngumálaráðherra hefur staðfest hana. Sýsluvegaáætlun skal endurskoða, er hún hefur gilt í tvö ár.

10. gr.

Oddviti sýslunefndar semur árlega reikning sýsluvegasjóðs. Skal reikningur undanfarins árs lagður fram á sýslufundi til samþykktar og gilda þar um sömu reglur sem um sýslusjóðsreikninginn. Sýslunefnd semur einnig árlega áætlun um tekjur sýsluvegasjóðs yfirstandandi ár, svo og áætlun um gjöld sýsluvegasjóðs með hliðsjón af staðfestri sýsluvegaáætlun.

Framangreindar áætlanir skv. 9. og 10. gr., svo og reikning sýsluvegasjóðs, skal oddviti sýslunefndar senda vegamálastjóra að loknum sýslufundi.

11. gr.

Nú gerir sýsluvegaáætlun ekki ráð fyrir framkvæmdum eða innstæða í sýsluvegasjóði nægir til framkvæmda og viðhalds næsta ár að dómi sýslunefndar, og skulu þá tekjur sýsluvegasjóðs það ár renna til þjóðvega í viðkomandi sýslu, eftir ákvörðun sýslunefndar.

12. gr.

Brot gegn samþykkt þessari varðar sektum allt að 100 þús. kr., nema þyngri hegning liggi við að lögum. Með mál út af slíkum brotum skal farið að hætti opinberra mála.

13. gr.

Með samþykkt þessari er numin úr gildi samþykkt fyrir sýsluvegasjóð Vestur-Ísafjarðarsýslu, nr. 237 6. október 1964.

14. gr.

Samþykkt þessi öðlast þegar gildi.

Samþykkt þessi, sem sýslunefnd Vestur-Ísafjarðarsýslu hefur samið og samþykkt skv. 19. gr. vegalaga nr. 71 30. des. 1963, staðfestist hér með til að öðlast þegar gildi, og birtist til eftirbreytni öllum, sem hlut eiga að máli.

Samgöngumálaráðuneytið, 23. júlí 1968.

Ingólfur Jónsson.

Jóhannes Guðfinnsson.

S A M Þ Y K K T**um sýsluvegasjóð í Norður-Ísafjarðarsýslu.**

1. gr.

Í Norður-Ísafjarðarsýslu skal vera sýsluvegasjóður. Skal úr þeim sjóði greiða kostnað við viðhald og lagningu sýsluvega skv. 2. gr. í samræmi við staðfesta sýsluvegaáætlun, sbr. þó 52. gr. vegalaga nr. 71/1963.

2. gr.

Í tölu sýsluvega má ekki taka vegi, sem styttri eru en 200 m, nema götur í þorpum með færri en 300 íbúa.

Sýsluvegur skal aldrei teljast ná nær býli en 200 m, ef hann endar þar.

Sýsluvegir eru:

Snæfjallahreppur:

1. Snæfjallavegur frá Snæfjallastrandarvegi hjá Sandeyri að Snæfjöllum.
2. Bryggjuvegur frá Snæfjallastrandarvegi að Bæjabryggju.

Nauteyrarhreppur:

1. Skjaldfannarvegur, frá Snæfjallastrandarvegi hjá Ármúla að Skjaldfönn.